

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De sancto Barsa Edeß[a]e episcopo, & clericis qui cum eo vna relegati
erat. Cap. XV.

urn:nbn:de:hbz:466:1-12704

derunt. Illo autem tempore in Armeniam interiorem amandatus est. Diuus Eusebius prope Istrum vitam traduxit: quo quidem tempore Gotthi, ut eius scripta declarant, Thracia populabantur, eiusq; ciuitates obsidebant.

De sancto Barso Edesse episcopo, & clericis qui cum eo una relegati erat. CAP. XV.

BArsem præterea, cuius gloria etiam hoc tempore per ilustris est, non Edesæ solum, quam gubernabat, & in ciuitatibus ei finitimus, verum etiam in Phœnicia, Aegypto, & Thebaide (per has nanque nationes vniuersitas fama eius propter virtutis splendorem permanauerat) primum Valens eum Aradum insulam incolere mandauit. At ubi intellexit infinitas hominum multitudines ad eum confluere, etenim apostolica repletus gratia morbos verbo depulit, Oxyrinchum, quod est oppidum Aegypti, relegauit. Rursus postquam eius gloria omnes etiam eo frequentes pertraxit, ad castellū misit, in extremis oris illius regionis positum, vicinumque barbaris, qui illic habitant, cuius nomen Pheno est. Valens senem illum idoneum sanè regno coelorum incolam, abducendum curauit. Ferunt eius lectum in Arado insula ad hodiernum diem remanere, multo sanè honore decoratum. Nam multi morbis vexati, ubi in eo decubuerint, ad integrum valetudinem per fidem restituuntur.

De persequitione qua Edesæ sauebat, & Eulogio & Protogene Edessenis presbyteris.

CAPUT XVI

VAlens autem, grege pastore orbato, Lupum in pastoris locum substituit. Et quoniam omnes, urbe relicta, extra moenia conuentus agebant, ipse Edesam proficiscitur. Ac Modesto, qui id temporis praefectus erat, imperat, suos milites, qui tributa solebant exigere, in unū cogat, & reliquias copias, qui aderant, assumat, quò multitudinem congregatam dissipent, virgis fustibusque cedant, & aliis instrumentis bellicis, si opus sit, castigent.

MM 3

Itaq;